

辽东文献徵略

(四)

遼東文獻徵略

四

江苏工业学院图书馆
藏书章

民國十六年七月初版

定價現銀兩圓

編輯者 金毓黻

校閱者 穆元植

參閱者 黃式叙
關義鐸

印刷者 吉林永衡印書局

發行者 東三省各大書莊

此書有
著作權

遼東文獻徵略卷七

遼陽金毓猷撰

典籍第五

松漠紀聞

松漠紀聞一卷續一卷宋洪皓撰皓字光弼鄱陽人政和五年進士建炎三年以徽猷閣待制假禮部尙書爲大金通問使既至金金人迫使仕劉豫皓不從流遞冷山復徙燕京凡留金十五年方得歸以忤秦檜貶官安置英州而卒久之始復徽猷閣學士諡忠宣事蹟具宋史本傳此書乃其所紀金國雜事始於留金時隨筆纂錄及歸懼爲金人搜獲悉付諸火旣被譴謫乃

復追述一二名曰松漠紀聞尋有私史之禁亦秘不傳紹興末其長子适始校刊爲正續二卷乾道中仲子遵又增補所遺十一事明代吳琯嘗刻入古今逸史中與此本字句間有異同而大略相合皓所居冷山去金上京會甯府纔百里又嘗爲陳王延教其子故於金事言之頗詳雖其被囚日久僅據傳述者筆之於書不若目擊之親切中間所言金太祖太宗諸子封號及遼林牙達什北走之事皆與史不合又不曉音譯往往譌異失真然如敘太祖起兵本末則遼史天祚紀頗用其說其熙州龍見一條金史五行志亦全采之蓋以其身在金庭故所紀雖真

屢相參究非鑿空妄說者比也

四庫全書總目
五十一

洪氏云女真酋長乃新羅人號完顏氏完顏猶漢言王也女真

以其練事以首領讓之完顏年六十餘女真妻之以女亦六十

餘生二子其長卽胡來也金史世紀云金之始祖諱函普初從

高麗來年已六十餘矣居完顏部部有賢女年六十而未嫁始

祖以青牛爲聘禮而納之後生二男長烏魯

卽胡來洪氏云金祖九代祖名龜福

八代祖名訛魯按龜福卽兩普說魯卽胡才金祖指熙宗也

北盟會編引神麓記云女真始

祖措浦

卽兩普

出自新羅奔至阿觸胡無所歸遂依完顏因而氏

焉六十未娶酋長結徒姑丹

疑卽闕京田氏亦曰徒單氏金代諸后多爲徒單氏女蓋以始祖之

后終爲貴宗

有室女年四十餘尙未婚遂以牛馬財用農作之具嫁

之於措浦後女真衆酋結盟推爲首領牛訛辣魯

卽烏魯

呂思勉

云朝鮮史家謂彼國平州僧名金俊者逃入生女真娶妻生子

爲金之始祖又一說爲平州僧金幸金幸子克守克守娶女真

之女爲妻生于名古乙太師

洪氏云自研來傳三人至楊哥爲太師太師爲遼所加之封號

金之始祖金以金爲國號蓋取其姓按出虎水正因金氏遷

居於此所以得名至金史稱金人爲完顏氏乃從女真之俗用

女系以名之耳

見所著中史

統觀按綜觀以上所論可斷定金始祖

實來自新羅非女真之本族女真所妻之女當從神麓記定爲

年四十餘以六十餘生子語涉誕妄也始祖既來自異族則其

以本姓爲國號亦復近理呂氏又謂金祖爲漢族血胤以居朝

鮮之金氏本系實出自中國也此語誠塙亦可爲國史中一新

發明矣

韓國小史金人請和於高麗曰昔我太師位歌嘗言我祖宗出自大國此聲歌卽洪氏所謂太師楊哥也爲西

普之七
世孫

洪氏又云辛酉歲

金熙宗
統元年

盡驅以行其人大怨富室安居踰

二百年往往爲園池植牡丹多至三二百本有數十幹叢生者
皆燕地所無毓黻案此云安居踰二百年者卽於遼太祖天顯
二年始遷迄辛酉歲政爲二百四十年以此推之渤海都於忽
汗之日國人必好植牡丹忽汗河一名牡丹江今牡丹江流
域有牡丹嶺者
義蓋本此

洪氏又云自上京至燕二千七百五十里上京卽西樓也毓黻
按此上京卽金國都會甯府去西樓絕遠西樓爲遼上京臨潢

府之別名在今熱河巴林旗至燕之里到亦無二千五百七十里蓋洪氏誤以遼上京爲金上京也再以洪氏所紀之里到攷之自上京三十里至會甯頭鋪四十五里至第二鋪三十五里至阿薩鋪四十里至來流河卽自北京至來流河爲一百六十里來流河今稱蘭陵河距阿城縣正爲百餘里若爲遼上京則距來流河不啻千里矣故知其所指之上京爲金國都無疑洪氏又云古肅慎城四面約五里餘遺堞尙在在渤海國都三十里亦以石累城脚統敵按賈耽道里記自安東都護府東北千五百里至渤海王城城臨忽汗海其西南三十里有古肅慎城據此則洪氏此條之渤海國都乃指在忽汗之舊都與前所

云者異撰矣否則去遼陽三十里無所謂肅慎古城也

按攷證洪氏之

作凡得十餘事於此四事之外書已分入各類故不重舉

拙軒集

拙軒集六卷金王寂撰寂字元老薊州玉田人登天德二年進士累官中都轉運使諡文肅金史不爲立傳元遺山中州集載其詩入乙集而仕履亦敘其梗概中州集稱寂著有拙軒集北遷錄諸書今北遷錄已無傳本而元氏所選寂詩僅七首及附見姚孝錫傳一首其他亦久佚不見乾隆四十一年四庫館總纂紀昀陸錫熊纂修汪如藻等自永樂大典中輯出寂詩文若干首釐爲六卷仍署曰拙軒集既佚而復得雖非完璧亦十存

七八良可葆貴矣寂於世宗大定十五年奉使白晷治獄路經

錦州遊覺華島宿龍宮寺有留題詩二首

覺華島未嘗錄於方輿紀要惟金史李晏

傳有錦州龍宮寺之語故知其錦州又遼東志覺華島在甯遠城東南二十里海中蓋金時亦屬錦州地故金史云然

二十九年被命提點遼東路刑獄章宗明昌初召還叙序其弟

曲全子詩云大定己酉

即二十九年

余被命提點遼東等路刑獄事

閱再歲會以公集飯素於大清真禪寺偶於稠人中得故人李

仲佐握臂道舊又贈仲佐詩序云李仲佐遼東之豪士也初識

於大元帥席上怪其議論英發坐客盡傾至於通練世務商較

人物雖宿學老儒或有所不及仲佐爲何許人金史及中州集

皆不載既爲寂所盛稱必爲傑士設無此集其姓氏亦湮沒不

傳矣又云天德辛未家君守白霽是歲登上第交遊飲博皆一時豪俊於今二十六年適以審刑復來留數日當時所與遊者往往鬼錄據此則寂父曾官白霽寂亦兩至其地寂撰先君行狀云會遼東更置郡縣守令皆取當時治有聲迹者先君擢海州析木令既至則不以窮鄉僻陋鄙夷其民而百事裁以繩墨數月告治舊俗多蓄蠱毒殺人以祈富先君爲出祕方轉相傳付所活不可勝計海州爲今奉天海城縣地在遼河東與方輿紀要謂白霽在冷陁山附近南去燕山千里之語不合近頃得遼宜州奉國寺碑謂其地左巫閭右白霽遼宜州卽今義縣盛京舊志謂遼中京大定府城卽白霽故地遼之中京爲今熱河

朝陽以西地正在義縣之右寂狀又稱其父後歷中京轉運判官卽所謂天德辛未家君守白霽也自燕赴白霽因欲探覺華島故迂道至錦州非爲中途所必經也寂又有柳城西聞蟬詩亦赴白霽時作別詳白霽條其自東營來廣寧道出牽馬嶺弔梁侯利器二詩則又爲赴官遼陽時所作盛京通志歷朝藝文錄寂詩僅七首皆在遼東之作與中州集所載者頗有出入蓋其時拙軒集已經館臣輯出故輯者得以採入之王氏父子兩世皆官遼東爲名宦一門卓異之選而盛京通志僅錄其詩而不爲立傳亦百密之一疏也

遼東志

遼東志解題

日本稻葉嵩吉撰

遼東志者明代之遼東地志也書凡九卷附圖一卷初次編纂

於正統八年

西歷一千四百四十三年

據是年遼東都指揮僉事畢恭所撰

序文謂本書之資料蓋先采訪於永樂中既將正本進呈恭復

欲取其稿本而刊行之其事未果遲至弘治元年

西歷一千四百八十八年

始爲刊行其時爲刊行大明一統志後六年也此次刊本或於

畢恭原稿略有修改然大體仍據舊稿並命名曰遼東志主其

事者爲巡按御史陳寬及遼陽副總兵韓斌嘉靖八年

西歷一千五百

二十九年

復事修改至十六年告成此爲第二次刊本卽本書也嘉

靖四十四年

西歷一千五百六十五年

刊行之全遼志凡六卷大抵以本書

按卽第二
次刊本

爲藍本而增以嘉靖十六年以後之事蹟命名雖異

實卽遼東志第三次刊本也

細檢本書之所取材蓋於各代史志罕見徵引夫周禮史記可
置弗論而考證遼東故實之書之成於金元時代者如遼東行
部志元一統志鴨綠江行部志諸書固不可以一二數而本書
所甄錄者與此諸書皆渺不相涉卷一山川篇雖錄有與元一
統志相同之文亦殆自大明一統志遡錄而來校以本書卷首
所列引用書目僅有大明一統志而無元一統志可知其不誣
也明代遼東都司案牘圖籍原所具備事無鉅細胥經注載是
故編纂本書純采明代之資料而已足固不必取材於前代也

而其紀載之詳亦由於此不足怪已惟本書紀載域外之事亦如彼其詳者何哉畢恭之言曰遼東乃東北之雄藩實國家之重鎮爰自永樂中上遣使諭本司纂修圖志乃即欽承上命謹集進呈惟稿是存斯集乃國朝之盛典藩維之偉績可祕乎哉觀於此語豈非當其事者乘朝廷興王之運以采訪所得輯爲此本之明證歟以愚考覽所得本書進呈初稿蓋爲編纂大明一統志而設惜乎一統志所采過簡竟遺却本書之大半而不載也

自正統紀元西歷一千四百三十六年以降迄編次本書之前明代用兵遼東失事最多兀良哈者遼東北部之蒙古族也一稱三衛其漸

次飲馬於潢水之南當亦在正統之初維時泰甯之酋又聯姻於也先可汗遂致遼東西部直當勁敵女直及野人又擾於東邊而本書適成於此邊釁騷然之日此讀者所應留意者也愚以爲畢恭之作斯編非徒謳歌國家一統之盛而已蓋欲使遼東守土之吏諗知遼地之實情以期於吏治邊防有所取資也畢恭爲前屯衛人全遼志載其略傳曰

畢恭字以謙前屯衛籍其先山東濟甯人巡撫王公翱薦公有文武才由百戶舉陞流官僉事圖上方略開設迤西邊堡牆壕增置烽埃兵威大振虜人畏服晉署都指揮奉勅守備甯前地方在任五年邊鄙甯謐尋推掌都司事撫士卒革奸